

Sel Prestuhn Dieter F. Uchtdorf
Mwet in Kahsrh Ahkluo ke Prestuhnsi Se Met

Luhngse Pwacye uh Luhslah Sahngweng

Lwelah kuht in sislah sahngweng lasr ac moukikhn engan, puhsisac!, finsrak, ac luhlalfongi kuh in kuht sifacna lah Leum el wi kuht.

Tamuhlwel ac tahmtahel sacohk wiyuck, kawuck sacohk, pacl na wowo se ac engan se in tuhkweni ekihn Alu sefanna facluh ke luhlalfongi ac luhngse nuh sin God ac tuhlihk Nahtuhl.

Yohkna nga srui ke oasr luhn mwet pahluh sacohk lasr, Thomas S. Monson. Prestuhn, kuht ac sikalweni in eis kahs in kol, kahsrh, ac lahl-mwetmwet lom nuh insiyacsr. Kuht luhngse kom, Prestuhn Monson, ac kuht pruhe keim pacl nuhkewewa.

Kuhtuh yac somlah ah, ke nga kuhlwacnsap ekihn prestuhn luhn stek fin acn Frankfurt, Germany, sie tahmtahel na sacohk tuhsruhkhuh suhpwacr fahsryak nuh yuruk ke sahflah-iyacn sie miting lasr ke stek sac.

“Kuh tiac koluk?” el fahk. “Mwet ahkosr kuh limekohsr mutul ke kom sramsram ah!”

Nga wetoklac nuhnkuh ac topuk, “Nga muh mutul ke alu pa mutul ma wo emet nuh ke kuh luhn mahno uh.”

Muhtwacn sacohk kiyuck, Harriet, el lohnglah sramsram se lasr inge ac tohkoh fahk muh top se nga oruh ah

pa sie top ma wo emet inmahsrhon top ma nga muhta oruh uh.

The Great Awakening

Yac siofok kuhtuh somlah fin acn North America, sie mukwikwi suc pahngpahng “Great Awakening” fahsrwelikh nuh fin acn sac. Sie srihpac la an pa in okasack mwet ma liyeyuck muh mutul ke mouh in nguhn lalos.

Mwet Fuhsr Joseph Smith el moklweyuck ke ma ma el lohng sin mwet luti inge suc ma tuhkuh ke u in alu suc ma srihke in okasack mwet ke mouh in nguhn lalos. Pa sie srihpac ma oruh el otwelah in kwacfwacng suk luhngse luhn Leum ke el muhkwenah pruhe.

Atacn luti luhn mwet luti inge arlacna utufuf, moklweack mwet uh, luti lalos inge etweyuck ke puhsra na upac ke ahksahngweng luhn isis ma soano mwet koluk.¹ Sramsram lalos tiac ahkmutulyelah mwet uh—tuhsruhkhuh sahp sang kuhtuh mwemwe koluk nuh sin mwet uh. Srihpac ac atacn luti lalos oacna in ahksahngwengye mwet uh in tuhkuh wi alu.

Sahngweng uh Ekuhllah

Omeet me, sahngweng uh kwacna orekmakihnyuck in moklwe mwet uh in mukwilac oruh ma se. Pahpah ac ninac orekmakihn nuh sin tuhlihkhuh nahtuhlos, mwet kol ke orekma orekmakihn nuh sin mwet orekma lalos, ac mwet kol luhn kafucrmacn orekmakihn nuh sin mwet fot uh.

Mwet pihsrlac ke pisnis uh kahlwem ke kuh luhn sahngweng ac kwacna orekmakihn. Pa oruh kuhtuh actfuctrais uh srihke in tahfwelah pweng ma fahk muh fin kuht tiac moli siriuhl kuh vitio kem sasuc kuh sac fon sasuc, na kuht sifacna iskuhtyang nuh ke mouh in sensen ma ac pwacnwacng mouh lasr uh in toasr, suc ma pwenkuhtlac nuh ke suhpwacr muhkwenah ne misac.

Kuht isracsr nuh sesr sifacna ac nuhnkuh muh kuht ac fah tiac puh-tatyang nuh ke inkacnek in ekuhllah nuhnak, tuhsruhkhuh kuhtuh pacl uh kuht oruh. Koluk likina, kuhtuh pacl uh kuht orekmakihn inkacnek in ekuhllah nuhnak in oruh mwet sahyac in oruh kena lasr uh.

Oasr srihpac luoh ke pweng luhk mihsenge uh: Ma se met pa in salkwe kuht in nuhnkuh ac nuhnkwacnah luhpah ma *kuht* orekmakihn sahngweng in mokle mwet sahyac—finne kuht sifacna. Ma se ahkluo an pa in fahk sie ohiyac ma wo liki an.

Elyah ke Sahngweng

Ma se met, lwelah kuht in sramsramkihn elyah ke sahngweng uh. Tukun ma inge kwewa, suc sesr soenna pahtokyuck ke sahngweng in mongo wo, orekmakihn sit pacl an, ahsrosr in yohk, sef mani, kuh auliyak ke ma koluk?

Ma na pwacye se lah oasr ke sahngweng uh oasr kuh la in ekuhllah mukwikwi ac elah lasr uh. Tuhsruhku kuh sacn ma na nuh ke kihtin pacl ac suhloal kuh la uh. Sesahlah in oasr kuh luhn sahngweng in ekuhllah insiyacsr, na ac fah tiac ikihlkuhtlac nuh ke mwet ma luhngse ma suwohs ac suc ma ke ahkos Pahpah Lucng.

Mwet ma sahngweng uh ac *fahk* ac oruh ma wo, tuhsruhku elos ac tiac *puhla* wo ke ma uh. Elos kwacna puhla muh elos srisrilac ac koase-yuck, finne ahngyahng. Tohkohyang puhla inge ac kohkohlah nuh ke suhlahlhlongi, seahkostwen, finne lain.

Koluk ohiyac, inkacnek sesuwos nuh ke moule se inge ac kolyuck se inge tiac tilokihnyucki nuh ke kasrpacn moule fin facl se inge. Nga suhpwacr ke nga lohng lah mwet ke Alu uh orekmakihn kain in ohiyac sesuwos inge in lweum—fin mwet in lohmselos, ke kunohkohn lalos ke Alu, ke orekma ah, kuh ke asruoki lalos nuh sin mwet sahyac ke pengana lwen.

Inkaiyacn pacl uh, mwet uh nuhnuhkuh mwet ma ahkkohsyemwet sahyac, ac elos tiac liye lah oasr pac in elos. Elos sapkihn in ahkos masap lalos sifacna, tuhsruhku ke mwet uh tiac ahkos masap lalos uh, elos ahkkohsyaclos ke kahs, ke nuhnak, ac kuhtuh pacl uh ahkkohsyemahno.

Leum El fahk lah ke sie mwet ruok pristut ahkyohkye oruh kuh karihngihn kuh pahtok nguahnin mwet sahyac, ke kuhtwena ohiyac sesuwos, inkuhsrao ac som luhkwelos; ac Nguhn luhn Leum ac ahsor na upac.²

Oasr pacl ma srihfweyuck kuht in ahksuwosyem mukwikwi lasr ke kuht luhlhlhlongi muh ke sahflahiyacn ma uh wona mukwikwi lasr ke srihpen oasr srihpac wowo pwacnwacng kuht oruh ma kuht oruh uh. Kuht ac sahp nuhkuh lah ahkkohsyem, ahkkolukye, ac isrlacl uh ma ac wo nuh sin mwet sahyac. Tiac ohinge, tuh Leum el oruh kahlwem lah “a fahko lun Ngun pa lungse, engan, misla, mongfisar, kulang, orekma wo, [ac] oaru.”³

Inkacnek se ma Wo Liki

Ke yohkwelihk etuh luhk kacil Pahpah Lucng, yohkwelihk liye luhk ke El mokle ac kol tuhlihku Nahtuhl uh. El tiac ahngyahng, kohkoh muhlat, kuh fohlohksahk.⁴ Srihpac na pwacye Lal—orekma Lal ac wolacna Lal—pa in luti kuht, sruhkuht nuh lucng, ac kol kuht nuh ke fohnlah Lal.⁵

God el ahkuhtweyack Kacil sifacna nuh sel Moses oacna “kulang ac pakoten, tia sa in mulat, sesseslana ke inse pwaye ac lungse kawil.”⁶

Luhngse luhn Pahpah Lucng nuh sesr, tuhlihku Nahtuhl, ahluhkwelah kuhiyacsr in nuhkuh.⁷

Kuh kalmac pa God el nuhnakmuhnahs kuh ngwetlah liki elah ma tiac fahsr ke masap Lal? Moh, tiac na tiac!

Tuhsruhku El ke ekuhllah yohk liki na elah lasr uh muhkwenana. El ke ekuhllah ma nuhkwenana in kuht. El ke ekuhllah nuhnak luhn insiyacsr.

El ke kuht in ahsrwelah pahosr ac lihksreni sruokyac kahs lal, tuyang lain sahngweng lasr, ac fahsr nuh met ke puhlaik ac nuh lucng ke inkacnek suwohs ac oasrihksrihk uh. El ke in ohinge nuh sesr mweyen El luhngse kuht ac mweyen pa inge inkacnek nuh ke engan.

God El ahkkweyem fuhkah tuhlihku Nahtuhl in fahsr Tohkohl in lwen inge?

El suhpwacma Wen Nahtuhl!

God El suhpwacma Wen Kuloh Sefanna Nahtuhl, Jisus Kraist in ahkkahlwemyem nuh sesr inkacnek pwacye.

God El ahkkweyem kuht ke kwacfe, mongfihswacsr, kuhlwasng, puhsisacl, ac luhngse suwohs.⁸ God El wi kuht lac. El luhngse kuht, ac ke pacl kuht tihkuclkucluyak, El ke kuht in tuyak, ac sifil srihke, ac in eklac fokokoi.

El pa mwet luti lasr.

El pa finsrak yohk ac sacohk lasr.

El kena in kol kuht ke luhlhlhlongi.

El luhlhlhlongi kuht in lutlut ke tahfonglac lasr ac oruh sulwasclah pwacye.

Pa inge inkacnek wo uh!⁹

Ac Meac Ma Koluk Facluh uh?

Sie inkacnwek ma Setuhn el ke kuht in ikihl mwet sahyac uh pa in muhta na ke ac finne in laheslah ma koluk luhn facluh se inge.

Pwacyena, facluh se lasr inge nuh ohinge na emet me, ac fah tahfwelahnana in ohinge, sesuwos. Arulacna puhs mwet wo kweok ke srihpen ma sikyack ke ohiyac oacna nuh ke srahngwesroa luhn mwet uh. Ma kuh-tasrihk ac koluk in lwen inge arulacna siena ac ahksahngweng.

Ne ohinge, nga tiac kuh in ahollah nga in moule ke siena pacl fin facl se inge likina nga in moule ke pacl se inge. Kuht arulacna ahkinsewowoyeyuck in moule in lwen inge suc pa lwen sesseslah ke mwe kahsrup, kahlwem, ac ma wo. Ma se ma yohk emet, kuht ahkinsewowoyeyuck ke oasr fohnlah luhn wosasuc luhn Jisus Kraist, suc ma use nuhnak loal lasr nuh ke mwe sensen luhn facl se inge ac ahkkahlwemyem nuh sesr lah kuht ac kahingkihn fuhkah mwe sensen inge kuh kuht ac ahkwoyelah fuhkah.

Ke nga nuhkuh ke mwe insewo-wo inge, nga kena sikuckmuhtuhntei ac sang puhsren kaksak nuh sin Pahpah tuhmasr Inkuhsrao ke luhngse Lal suc ma tiac wacngihnlac nuh sin tuhlihku nuhkwenana Nahtuhl.

Nga tiac luhlhlhlongi muh God El ke tuhlihku Nahtuhl in sahngweng kuh muhta na ke ma koluk luhn facl se inge. “Tuh Ngun suc God El ase nu sesr uh tia mwe aktonongye kut; a ma in nwekkutla ke ngunin ku, ac lungse, ac in sifana leum facs.”¹⁰

El use nuh sesr srihpac puhkan-twen in engan. Kuht enenuh in konwacack ac akihlen ma inge. Leum el kena ahkacsmakihnyem kuht in “in tiac sahngweng,” in “enganwack,”¹¹ ac in “tiac elyah, u srihsrihk.”¹²

Leum El ac Ahol Kuht Oruh Mweun Lasr

Tamuhlwel ac tahmtahel, kuht pa “un sip srihsrihk” luhn Leum. Kuht pa Mwet Luhlhlhlongi ke lwen sahflah uh. Yohk srihpac nuh ke inesr pa in olwelah in ngwet nuh met nuh ke fohlohku luhn Mwet Lahng ac ahkoekuhtlac

ac facluh se inge in Esacl. Ke ma inge, lwelah kuht in kuhlwaacsuhpuh God ac luhngse mwet lili wiyacsr. Lwelah kuht in oruh ke nuhnak kuh, ke puhsisacl, tiac na srihkkihn alu sahyac kuh un mwet sahyac. Tamuhlwel ac tahmtahel, sapkihnyuck nuh sesr in lutlut ke kabs luhn God ac porongo puhsren Nguhn, kuht in muh “etuh akucl ke pacl, ac akucl ke tuhkuh luhn Wen nuhtin Mwet.”¹³

Ke ma inge, kuht, tiac pihlesruh ma upac luhn facluh, kuh kuht tiac lihkihsaci ma upac ke pacl lasr uh. Tuh tiac kalmac pa kuht in ahkelyahye kuht sifacna kuh mwet sahyac ke sahnghweng ke inkaiyacn pacl uh. Likina in siyac na upaciyacn elyah lasr uh, kuh tiac wo liki fin kuht siyac ma sun, ma wo, ac kuh suwohs luhn God lasr, luhlalfongi ke El ac ahkollah ke inse engan nuh ke fohlohkoh luhn Jisus Kraist?

Ke kuht ekihn mwet olwelah Lal, kuht enenuh in tiac muhnahtahel ke sahnghweng mweyen ma koluk uh ac sahp kuh in sikyak. A, kuht in fahsr nuh met ke luhlalfongi, puhlaik, nuhnak fokoko, ac luhlalfongi ke God ke kuht sun ma elyah ac finsrak wowo ma oan met liki kuht uh.¹⁴

Kuht tiac muhkwenah fahsr ke inkacnwek luhn mwet tuhmalutlut. Leum God lowos El ac fah wi kowos. El fah tiacna som liki kowos, a El ac fah wi kowos in kabsrwekows.¹⁵

“Leum El fah wi kom lain, ac kom fah eis mihs lom uh.”¹⁶

Ke kuht sun sahnghweng uh, lwelah kuht in sokwack puhlaik lasr, oracni luhlalfongi lasr, ac eis luhlalfongi ke olwelah ma “wangin kufwen mwe mweun ac fah kunauskomlac.”¹⁷

Yac kuht oasr ke sie pacl koluk ac fohs? Ahok kuht oasr kac.

God Sifacna El fahk, “Ke kowos muta faclu kowos ac keok. Tusruktu kowos in pulaik na! Nga kutangla faclu tari!”¹⁸

Kuh kuht kuh in ahkyohkye nuhnak in luhlalfongi ac in mukwikwi fal nuh kac? Kuh kuht tahfwelah in liyacacng sulwaclah ac olwelah muhtahl lasr? Kuh kuht kuh in liyacacng

masap luhn God finne ke pacl upac? Ahok kuht kuh!

Kuht kuh mweyen God El olwelah, “ma nuhkweya fah orekma tuhkwenti ke wo lom, kom fin fahsr suwohswohs.”¹⁹ Ke ma inge, lwelah kuht in fihliyac sahnghweng lasr ac moulikihn engan, puhsisacl, finsrak, ac luhlalfongi kac sifacna lah Leum el wi kuht.

Luhngse Pwacye El Luhsalah Sahngweng

Mwet kawuck sacohk wiyuck, tamuhlwel ac tahmtahel sacohk in Kraist, fin kuht muh konwekuhtyak ke sahnghweng ac tuhninpong, kuh fin kuht sokwack tuh kabs lasr sifacna, ohiyacsr, kuh mukwikwi lasr uh oruh mwet sahyac in sahnghweng, nga pruhe ke kuhiyen nguhnihk nuhkweya tuh kuht sukohsohklah liki sahnghweng se inge ke ono wolacna ma sollac nuh ke sahnghweng: pa luhngse pwacye luhn Kraist, tuh “luhngse pwacye el luhsalah sahnghweng.”²⁰

Luhngse pwacye luhn Kraist el kuh-tanglah mwe sruhf nuh ke ahkngalye, ahkkohsyeh, fuhnmweti, ac leum fac.

Luhngse pwacye luhn Kraist El lwelah nuh sesr in fahsr ke puhsisacl, ahkfuhlwact, ac nuhnak kuh ke kuht ekihn mwet etahwi luhn Mwet Lahngo sacohk lasr. Luhngse pwacye luhn Kraist use nuh sesr luhlalfongi kuh in fahsr nuh met finne ke sahnghweng lasr ac fihliyac luhlalfongi nohfohn lasr ke kuh ac wo luhn Pahpah tuhmasr Inkuhsrao ac Wen Nahtuhl, Jisus Kraist.

In lohm sesr, ke acn in orekma lasr, ke kunohkohn lasr ke Alu, ke nuhnak luhn insiyacsr, lwelah kuht in ahollah sahnghweng lasr nuh ke luhngse pwacye luhn Kraist. Luhngse luhn Kraist ac ahollah sahnghweng ke luhlalfongi!

Luhngse lal ac oruh kuht kuh in akihlen, luhlalfongi, ac luhlalfongi ke wolacna luhn Pahpah tuhmasr Inkuhsrao, plwacn wolacna Lal, wosasuc Lal, ac masap Lal.²¹ Luhngse God ac mwet lili wiyacsr ac ekuhllah ahkostwen lasr ke masap luhn God nuh ke sie mwe insewowo likina in sie mwe toasr. Luhngse luhn Kraist ac

kabsrwe kuht in eklac kuhlwaacsng liki met, nuhnakmuhnaht, nuhnkuh ke mwet, ac oaruyak ke orekma Lal.

Ke kuht koanwelah insiyacsr ke luhngse luhn Kraist, kuht ac okasack sie mouh in nguhn sasuc in kuht ac kuht ac fuhfahsryucsr ke engan, luhlalfongi, okak, ac mouh ke kahlwem ac wolacna luhn Mwet Lahngo sacohk lasr, Jisus Kraist.

Nga fahkwack ke luhlalfongi, weluhl Mwet Sap John, “Wangin sangeng ke lungse luhn [Kraist].”²² Tamuhlwel ac tahmtahel, mwet kawuck sacohk, God El etwekewos na pwacye. El luhngse kowos na pwacye. El etuh ma ac sik nuh sum pacl fahsruh uh. El kena kom in “nimet fosrnga, a lulalfongi na”²³ ac “mutana in lungse [suwos] lal.”²⁴ Pa inge pruhe ac mwe insewowo luhk ke inen Jisus Kraist, amen.

MWE KAHSRUH

1. George Whitehead ac Jonathan Edwards pa srihkasrak etweyuck ke kain mwet luti se inge uh.
2. Liye Doctrine and Covenants 121:37.
3. Galatia 5:22–23.
4. Ke sie pacl ah, Mwet Lahngo El ke utyak nuh ke sie mura luhn Mwet Samaria, tuhsruhkwack ah sruhngwacl Jisus ac tiac Esacl nuh in mura lalos. Luo sin mwet tuhmalutlut elos toasrlah ke ma se inge ac elos siyuck, “Leum, kom lungse kut in sap e in tuku inkusrao me ac esukulosyak?” Jisus el tohpohkohlah ke kabs in sensen: “Komtal tia kalem ke ouiyen ngun se su oacn in komtal. Tuh Wen nutin Mwet el tia tuku in kunausla mouh lun mwet uh, a in molwelosla” (liye Luke 9: 51–56, New King James Version[1982]).
5. Liye Moses 1:39; oacyapac liye Ephesus 3:19.
6. Exodus 34:6.
7. Liye Ephesus 3:19.
8. Liye Doctrine and Covenants 121:41. Pwacyena fin God El kena tuh kuht, tuhlihk Nahtuhl facluh, in oruh ohinge nuh sinsie sin sie, El—sie mwet suwohswohs suc oasr ohiyac wowo nuhkweya lal—in mwet srihkasrak nuh ke kain elah ingacn.
9. Miting Inkuhsrao ke facl se met ah pa sie srihkasrak wowo ma ahkkahlwemye ohiyac luhn God uh. Ingoh Pahpah tuhmasr Inkuhsrao El akiyac plwacn Lal nuh ke kapkapwack ma pahtpaht lasr uh. Ip yohk ke plwacn sac pa sulwaclah, ahkostwen, ac molwelah ke Iwaclah luhn Kraist. Tuhsruhktuh, Lucifer, el plwacnwelah siena inkacnwek. El uli lah mwet nuhkweya fah ahkos—wacngihn mwet fah tuhlah. Inkacnek sefanna in ahkfahsryelah ma se inge uh pa in ahkkohs ac sap kuh. Tuhsruhkwack Pahpah tuhmasr Inkuhsrao El tiacna lwelah plwacn sac. El seko sukohsohk in sulwaclah luhn tuhlihk Nahtuhl. El etuh lah kuht

enenuh in oraclah tahfonglac kuht in muh etwacлах na pwacye. Ac pa oruh El use Mwet Lahngo se, suc kihsacлах ma pahtpaht la kuh in ahknwacsnwacsylah ma koluk lasr ac lwelah kuht in fohlohk nuh ke toh-kohsrahi luhn God.

Ke Pahpah tuhmasr Inkuhsrao El liye lah puhsiyacn tuhlihк Nahtuhl uh sruhflah sel Lucifer, yac El ahkkohsyaclos in ukwe plwacn Lal? Yac El ahksahngwengye kuh kai mwet suc oruh kain sulwacлах koluk ingacn? Moh. God lasr suc oasr kuh yohk la pwacyena El kuh in tulokihnyac ma lainyuck inge. El kuh in pahtok kena Lal nuh sin mwet tiac insese uh ac oruh elos in oruh. Tuhsruhк, El lwelah tuhlihк Nahtuhl

in sifacna sulwacлах.

10. Luo Timothy 1:7.
11. Liye, nuh ke mwe srihkasrak, Joshua 1:9; Isaiah 41:13; Luke 12:32; John 16:33; Sie Peter 3:14; Doctrine and Covenants 6:36; 50:41; 61:36; 78:18.
12. Luke 24:32.
13. Liye Doctrine ac Covenants 68:11.
14. Kahs in kahsrhу lal Moses nuh sin mwet ke lwen lal ahkkahlwemyeyuck pac mihsenge: “Nikmet sangeng. . . Liye ma Leum God El ac fah oru in molikowos misenge” (Exodus 14:13, New King James Version).
15. Deuteronomy 31:6.
16. Exodus 14:14, New King James Version.
17. Isaiah 54:17.


18. John 16:33.

19. Liye Doctrine and Covenants 90:24; oacyacpac liye Luo Corinth 2:14; Doctrine and Covenants 105:14.
20. Sie John 4:18.
21. Lwelah kuht in esam lah Mwet Lahngo el tiacna tuhkuh “in tuh nununku faclu, a tuh faclu in eis mouл kacл” (John 3:17). Pwacyena, “El tiac oruh kuhtwena ma sahyacn na ma in ahkinsewowoye facluh; tuh El luhngse facluh, oruh El fihliyac mouл Lal sifacna tuh Elan kuh in pwacnlah mwet nuhkwewa nuh Yohrohl” (2 Nephi 26:24).
22. Sie John 4:18; liye pac Sie John 4:16.
23. Mark 5:36.
24. John 15:10.

Luti ke Pacl Lasr uh

Ke Mei 2017 nuh ke Ohktohpa 2017, lesin luhn Melchizedek Pristut ac Rilif Sosaiti nuh ke Sacnri ahk ahkosr enenuh in ahkoeyucklac ke sramsram se kuh luoyak ma tuh oreklac ke toeni luhlalп ke Eprel 2017 ah. Ke Ohktohpa 2017, sramsram an ac suleyucklac ke kwewana toeni luhlalп ke Eprel kuh Ohktohpa. Prestuhn luhn stek ac tistrik an enenuh in sulwacлах sramsram ma ac orekmakihnyuck ke acn selos an, kuh elos kuh in ahol kunohkohn se inge nuh sin prestuhn luhn pisap ac pracns an.

Sramsram uh oasr ke kain kahs pucspucs ke conference.lds.org



Sel Prestuhn Thomas S. Monson

Kuh luhn Puk luhn Mormon

Nga ngihstre kais sie sesr in pruhe in lutlutkihn ac nuhnkuh ke Puk luhn Mormon ke kais sie lwen.

Tamuhlwel ac tahmtahel sacohk wiyuck, nga paing kowos ke kuht sifil tuhkweni ke toeni luhlahp ke Alu luhn Jisus Kraist luhn Mwet Luhlahlfongi ke Lwen-sahflah uh. Met liki nga muhtwacwacack ke sramsram luhk, nga luhngse tuhkahkuhnlah tempuhl sasuc limekohsr ma ac fah muhsahiyuck ke acn ac oacwacyak inge: Brasilia, Brazil; acn luhlahp Manila, Philippines, eria; Nairobi, Kenya; Pocatello, Idaho, USA; ac Saratoga Springs, Utah, USA.

Lututacng se inge nga sramsram ke kuh luhn Puk luhn Mormon ac enenuh yohk srihpac se ma oasr sesr ke kuht ekihn mwet ke Alu se inge in lutlut, nuhnkuh, ac moulkihn mwe

luti inge ke moul lasr. Yohk srihpaci-yacn testimoni fokoko ac pwacye ke Puk luhn Mormon uh tiac kuh in laisyucklac.

Kuht oasr ke pacl na elyah ac koluk se. Meac ac loangwekuht-lac liki ma koluk ac fohkfohk ma oasrwaclihk fin facluh mihsenge uh? Nga tahfwelah in fahk lah testimoni fokoko ke Mwet Lahngo lasr, Jisus Kraist, ac wosacuc Lal ac kahrwe kuht kol kuht nuh ke molwelah. Fin kom tiac riti Puk luhn Mormon ke kais sie lwen, nuhnak muhnahs oruh. Fin kom ac riti pruhe ke kena pwacye in etuh ma pwacye, Nguhn Muhtahl ac fah ahkkahlwemye pwacyeyiacn ma inge nuh suwos. Fin ma inge

pwacye—ac nga fahk na pwacye lah mase—inge pwacye lah Joseph Smith el tuh mwet pahluh se suc liye Pahpah God ac Wen Nahtuhl, Jisus Kraist.

Ke srihpen Puk luhn Mormon pwacye, Alu luhn Jisus Kraist luhn Mwet Luhlahlfongi ke Lwen-sahflah uh pa Alu luhn Leum fin facluh, ac pristut muhtahl luhn God fohlohkihnyuckyak nuh ke ma wo ac mwe in sewowo luhn tuhlihk Nahtuhl.

Fin tiac oasr testimoni fokoko lom ke ma inge, oruh ma enenweyuck nuh kac in oasri sum. Yohk srihpac in oasr testimoni fokoko lom in pacl upac inge, tuh testimoni luhn mwet sahyac ac us kom ke lusen pacl se. Tuhsruhktuh, ke kom eis, testimoni uh enenuh in ahkmoulyeyuck ac yohk srihpac ke tuhtahflah luhn ahkostwen ke masap luhn God ac ke pruhe ac rit ma suhmuhslah ke lwen nuhkewewa.

Mwet sacohk wiyuck ke orekma luhn Leum, nga ahkkweye kowos kais sie in pruhe in lutlut ac nuhnkuh ke Puk luhn Mormon ke kais sie lwen. Ke kuht oruh uh, kuht ac oasr ke sie ohiyac ma kuht ac lohng puhsren Nguhn, lain mwe sruhf, in kuhtanglah ahlohloh ac sahngweng, ac in eis kahrroh inkuhsrao me ke moul lasr. Nga fahkwack ke insiyuck nohfohn, ke inen Jisus Kraist, amen.